


1614_2_156.jpg



1614_2_157.jpg

Troisiesme Continuation.

157

pos public, & que sa M. Catholique recogneust le respect que ie luy porte, ie voulus commander à ma passion & iuste douleur, deffendant à mon armee de n'offençer les habitans dudit Nouarre.

Mais d'autre costé sa M. Catholique com-
 manda au Marquis de Sainte Croix de se ren-
 dre sur la riuere de Genes avec vne puissante
 armee nauale des Galeres de Naples & Sicile;
 assisté des Geneuois, (que feu de glorieuse me-
 moire Monseigneur & pere le Duc Emanuel
 auoit rachepté & affranchy de la puissance de
 plusieurs hommes libres, pour les assubjettir au
 sacré Empire, comme il fist les faisant com-
 prendre en l'inuestiture de ses terres pour rai-
 son desquelles il rendoit foy & hommage à
 vostre dite M. Lequel Marquis, surprit en mes
 pays sur le bord de la mer Mediterranee, plu-
 sieurs de mes villes, entr'autres Oneille, &
 Pierre Latte, qu'il possède encores à present.
 Bref il est descendu en mes terres, a rauagé mes
 frontieres, & practiqué toute sorte d'hostilité.


Ce qu'il feir cependant que l'on me donnoit
 à entendre, que si i'accordois ce qui me seroit
 proposé par le Nonce de sa Sainteté, & l'Ambas-
 sadeur de France, toutes choses se pou-
 uoient pacifier.

Estant en mesme temps allé à Vercell où
 ledit sieur Nuncce de sa Sainteté & Monsieur
 le * Marquis de Rambouillet Ambassadeur de
 France le 10. Octobre où il fut reçu splendidement par le Cardinal de
 Sauoye: De Thurin, il alla trouuer le Duc de Sauoye à Vercell,

*Le Marquis
 de S. Croix
 General des
 Galeres d'Es-
 pagne surpréd
 Oneille, Pier-
 re-Latte, &
 plusieurs pla-
 ces du Do-
 maine de Sa-
 uoye sur la ri-
 uiere de
 Genes.*

** Le Mar-
 quis de
 Rambouil-
 let Ambas-
 sadeur ex-
 traordinaire
 en Italie,
 partit de la
 Cour de
 France le
 20. Septem-
 bre, arriva
 à Thurin,
 le Cardinal de*

1614_2_158.jpg



1614_2_159.jpg

Troisiesme Continuation.

159

come dessus se remettront respectiuellement les Estats, places & prisonniers, dans le temps qui sera arresté, & que le present Traicté aura esté publié.

4. Quant aux differents d'entre sadite A. & le dit Duc de Mantouë, (pour oster toutes occasions qui se pourroient presenter à l'aduenir de reprendre les armes pour ce mesme effect) lesdits Seigneurs Ducs nommeront chacun de leur costé des arbitres, ausquels ils remettront tous leurs differents & pretentions, tant à l'occasion du Marquisat de Montferrat que autres, pour estre viuidées & decises à l'amiable, ensuiuant la disposition du droit, six mois apres que l'eslection en aura esté faicte.

Les Ducs de Sauoye & de Mantouë nommeront des arbitres pour terminer leurs differents.

5. A la charge & condition toutesfois, que presensentement pour les dotes de mariage de Madame l'Infante, avec ses joyaux & celui de Madame Blanche, avec son doüaire, Monsieur le Duc de Mantouë laisse entre les mains de nous soubsignez & du Gouverneur de Milan (moyennant le consentement dudit Gouverneur) toutes les places que Monsieur le Duc de Mantouë a au Canauëz, avec declaration qu'apres tel iugement sesdites A. A. s'y arresteront & effectueront ce qui sera par les susdits arbitres resolu & ordonné; parce que quant aux mariages & joyaux de l'Infante, comme choses certaines, elles ne se doiuent remettre, puis qu'elles sont suffisamment asseurees moyennant la remission desdites places.


Places du Canauëz, de-mâdes d'estre mises en sequestre.

6. Que nous determinerons que sesdites A. A. ne parleront ny pretendront à present, ny pour l'aduenir, les dommages respectiuellement soufferts par eux, & leurs subjects en la precedente guerre de Montferrat.

7. Que sesdites A. A. pardonneront à leurs vas-

Domages soufferts tant d'une part que d'autre, mis à neant.

1614_2_160.jpg



1614_2_161.jpg

Troisiesme Continuation.

161

Sans l'exception faicte par Monsieur le Nonce Saueilly, le contenu au present traite. Ainsi signé. C.

Bien que ce Traicté me fust prejudiciable & defaduantageux, ie l'acceptay pour conseruer la Paix en Italie, & pour mon repos, ie le signay de mon seing accoustumé: Surquoy ledit sieur Nunce de sa S. & Ambassadeur de sa M. tres-Chrestienne, se persuadans que le Gouverneur de Milan ne feroit refus de le signer, comme i'auois faict, commencerent de publier la Paix; mais ils furent trompez, comme au reste, ayant refusé de l'accepter & de le signer. Et sur des difficultez que l'on fit naistre sur le sequestre des places du Canauetz, lesdits sieurs Ambassadeurs s'estans rendus en la Cité d'Ast, on dressa vn autre Accord en ces termes,

Le Gouverneur de Milan refuse de signer la Traicté de Verceil.


Monsieur le Nonce Saueilly au nom de sa S. & Monsieur le Marquis de Ramboüillet Ambassadeur du Roy tres-Chrestien, ayants par leur commandement fait plusieurs instances au Duc de Sauoye, à ce qu'il luy pleust desarmer & faire la Paix avec Monsieur le Duc de Mantouë, & ensemble remettre tous les differents qui sont entre-eux pardeuers les arbitres: son A. pour deferer à sa M. Catholique suivant l'honneur & respect qu'elle scait luy estre deu, & pour condescendre aux prieres qui luy en ont esté faictes de la part de si grands Princes, desireux du bien de la Chrestienté, paix & tranquillité publique, s'est contenté d'accorder les articles suiuaus,

Dernier Traicté d'accord fait en la Cité d'Ast par le Duc de Sauoye avec le Nonce de sa S. & l'Ambassadeur de France.

Premierement, que sadite A. licentiera son armee, ret enant neantmoins ce qu'il aura de besoin, pour la

L

1614_2_162.jpg



162

M. D. C. XIV.

tuition, & deffences de ses places ſuiuant l'ordre eſtably par Monsieur de la Vacenne, le 9. May 1611. & en outre ce que Monsieur Sauvelly & Monsieur le Marquis de Ramboüillet, iugeront eſtre neceſſaire, en eſgard au fort nouuellement baſty au lieu du Bourg pres de Verceil.

Que Monsieur le Marquis d'Inojosa Gouverneur de Milan, promettra au nom de ſadite M. Catholique à ſa Sainteté & au Roy de France, de n'offenſer ſadite A. ny ſes Eſtats directement ou indirectement pour quelque occaſion, pretexte ou entremiſe de quelque perſonne que ce ſoit, & d'auoir deſarmé dans quinze ou vingt iours apres que ſadite A. aura deſarmé, ſans aucune feinte, & y contreuenant ſadite S. & le Roy de France prendront, comme ils font, la deffence de ſadite A. ſelon qu'ils iugeront expedient & conuenable.

Que ſadite A. & Monsieur le Marquis d'Inojosa au nom que deſſus, remettront à ceux qui en eſtoient premiers poſſeſſeurs, toutes les places & priſonniers qui ont eſté & ſeront pris pendant ceſte guerre, ſoudain que ſadite M. Cath. aura deſarmé; avec toute l'artillerie que l'on y aura trouué lors qu'elle aura eſté priſe; & qu'à l'aduenir ne ſera fait aucun acte d'hoſtilité.

Concernant les differents de ſon A. avec Monsieur le Duc de Mantouë, pour oſter toute occaſion à l'aduenir de reprendre les armes, la paix ſe fera entre-eux, & remettront tous leurs differents à l'arbitrage de ceux que leursdites A. A. nommeront, aux fins qu'ils poſſent eſtre vuidees ſix mois apres qu'ils auront eſté choiſis.

Nouvelles conditions au lieu du Se-

Que le Seigneur Duc de Mantouë ſera tenu de rendre promptement à ſadite A. tous les joyaux de

1614_2_163.jpg

Troisième Continuation.

163


Madame l'Infante Marguerite, & luy payer aussi la ^{questre du} dote de madite Dame l'Infante : & quatre mois apres ^{Canauet} l'acceptatiō dudit Traicté, qu'il luy payera son augment avec ses accessoiress : & en cas de refus, soit en la quantité ou autrement il s'en remettra à ce qu'en feront lesdits arbitres.

Et touchant la dote de Madame Blanche, Monsieur le Duc de Mantouë la payera dans deux annees, commençant dès que le present Traicté aura esté accordé comme dessus, & aduenant qu'iceluy sieur de Mantouë ne fist tel payement, le Roy de France soit obligé de le payer du sien propre dans ledit temps, sans que sadite Altesse soit tenue ny obligee de faire aucune poursuite contre ledit sieur Duc de Mantouë, & que le sieur Marquis de Ramboüillet, pour dignes respects qui regardent le bien public & l'aduancement de ces deux Maisons, que sa Majesté ayme particulièrement, le promet à S. A. (qui l'accepte fauorablement) demeurant toutesfoi la liquidation des accessoiress de ladite Dote au iugement desdits arbitres, pour lesquels accessoiress, sadite Majesté n'en demeurera obligee.

Que leursdites A. A. pardonneront à ceux de leurs vassaux & subjects qui auront suivy & tenu party contraire, & leur feront rendre les biens saisis, leur promettant de les vendre si bon leur semble, & en ce cas leursdites A. A. les pourront acheter à prix raisonnable : & quant ausdites personnes & biens saisis, come dessus, cela s'entend nonobstant tous iugements portans peine corporelle, amende pecuniaire, ou confiscation desdits biens pour autres peines & delictz qui ne procederōt de ceste guerre, afin que sous ce pretexte leurs vassaux & subjects n'en soient trompez & deçus, ou circon-

L ij

1614_2_164.jpg



1614_2_165.jpg

Troisiesme Continuation.

165

Nous attendions avec lesdits sieurs Nonce & Ambassadeur, que lon deust faire responce & accepter ce dernier accord, & que suiuant ice-luy qu'on se deust rēdre les places reciproque-ment prises, mais on le mesprisa: Et afin de me surprendre le Gouverneur de Milan eut com-mandement de se ietter sur mes Estats, & de poursuiure la guerre contre moy.

Bien est-il vray qu'en ce mesme temps le Prince Thomas mon fils entreprint sur la ville de Candie; & soudain que i'en fus aduertý, ie luy commāday de se retirer, ce qu'il fist: mais le Gouverneur de Milan, entra pour la secon-de fois dans mes pays & estats avec vne armee, où les degasts & ruines qu'il porta aux environs d'Ast, & de Verceil n'en sont que de trop la-mentables preuues. Ils ont saccagé les Eglises de Carsena: Ils ont ruiné toutes les terres au delà de la riuiere de Verceil: Apres la redditiō de Montbaldon, contre la foy promise on fit pendre vn Capitaine Enseigne, & vn tambour: Les Ecclesiastiques n'ont esté exempts de leurs iniques deportements: Bref en leurs rauages dans mes pays on ne voyoit que maisons bru-slees, qu'un barbare massacre de plusieurs de mes subjects.

En mesme temps, mais d'un autre costé & prez de ma Comté de Nice, Le Marquis de sainte Croix, continuant sa pointe apres qu'il eut pris Oneille & Pierre-late assiegea & prit Maro, & les villes de ceste vallee.

Mesmes les Espagnols non contents de

L iij

Image issue du site mercurefrancois.ehess.fr - Cliché (c) Cécile Soudan